



ՀԱՆԳԻՍՏ

ԱՐԺ. Տ. ԳՐԻԳՈՐ ՔԱՀԱՆԱ ԳԵՎՈՐԳՅԱՆԻ

(1888—1969)

1969 թ. մարտի 24-ին Թալինի շրջանի Ակունք գյուղում վախճանվեց արժ. տ. Գրիգոր քնն. Գևորգյանը:

Հանգուցյալը ծնվել է 1888 թ. Թալինի շրջանի Գյուզլու (Ակունք) գյուղում, հողագործի ընտանիքում: Նա իր նախնական կրթությունը ստացել է հայրենի գյուղում, ապա 1922 թ. Երևանի ա. Սարգիս եկեղեցում գեր. տ. Խորեն արքեպիսկոպոս Մուրադբեկյանի կողմից ձեռնադրվել է քահանա:

Արժ. տ. Գրիգոր քահանան պաշտոնավարել է Թալինի շրջկենտրոնի եկեղեցում մինչև 1949 թ., այնուհետև տեղափոխվում է Ստեփանավանի ա. Սարգիս եկեղեցին, ուր պաշտոնավարում է մինչև 1961 թ.:

Ապա տկարության պատճառով տեղափոխվում է իր հայրենի գյուղ, ուր վախճանվում է մարտի 24-ին:

Արժ. տ. Գրիգոր քահանան Գևորգ Զ կաթողիկոսից պարգևատրվել է ծաղկյա փիլոնով և քահանայական լանջախաչով:

Հանգիստ իր ոսկորներին:

ՀԱՆԳԻՍՏ

ԱՐԺ. Տ. ՀԱԿՈԲ ՔԱՀԱՆԱ ԽՈՒՍԻՅԱՆԻ

(1904—1969)

1969 թ. մարտի 18-ին Ռոստովում վախճանվեց արժ. տ. Հակոբ քահանա Խոխրոյանը:

Հանգուցյալը ծնվել է 1904 թ. Ռոստովի մարզի Չալթր գյուղում: Նա իր եկեղեցական ծառայությունը սկսել է 1919 թ. լինելով դպիր Չալթր գյուղի ա. Համբարձման եկեղեցում տ. Խաչատուր քահանա Տեր-Բադդասարյանի մոտ: 1947 թ. ձեռնադրվել է քահանա և մինչև 1956 թ. պաշտոնավարել

Թուփսի գյուղի ա. Փրկիչ եկեղեցում: 1956 թվականից մինչև 1969 թ. տեղի հայրը պաշտոնավարել է Նոր Նախիջևանի ա. Հովհաննու Կարապետի եկեղեցում:

1966 թ. ապրիլի 28-ին Վեհափառ Հայրապետը Իր համար 580 կոնդակով արժ. տ. Հակոբ քնն. Խոխրոյանին շնորհել է քահանայական լանջախաչ:

Հանգիստ իր ոսկորներին:

